

SIRIH PULANG KE GAGANG

MUHAMMAD UZAIR AZIZAN

Profil Alumni | Negeri Kedah | Kulim | 09000

Saudara Muhammad Uzair Bin Azizan, dilahirkan pada 28hb Disember 1988 di Sik, Kedah. Beliau membesar dan menetap di Kulim mengikut ibu dan ayah tinggal di sana setelah diasuh di kampung sehingga umur 7 tahun. Ayah beliau berasal dari Pendang, manakala ibunya berasal dari Jeniang. Anak sulung daripada tiga orang adik beradik ini mendapat pendidikan awal di Sekolah Kebangsaan Tunku Abdul Malik, kemudian di Sekolah Menengah Kebangsaan Sultan Badlishah. Setelah tamat Sijil Pelajaran Malaysia (SPM), beliau menyambung pengajian di Pusat Asasi Sains Universiti Malaya (PASUM) selama setahun (2006) sebelum menyambung pengajiannya di Fakulti Kejuruteraan Sains Geoinformasi (kini dikenali Fakulti Geoinformasi dan Harta Tanah), Univesiti Teknologi Malaysia (UTM), Johor Bahru dan mendapat Ijazah Sarjana Muda Sains Pentadbiran dan Pembangunan Tanah pada tahun 2011. Kemudian pada tahun 2012, beliau melanjutkan pelajaran peringkat Sarjana Sains (M.Sc) dalam bidang yang

ELOK BAHASA KAN
BAKAL HIDUP, ELOK
BUDI KAN BAKAL MATI



sama dengan memberi fokus kajian terhadap isu pembangunan tanah. Banyak masa beliau dihabiskan di negeri Johor dan beliau sendiri terlibat dalam kerja-kerja penyelidikan dan perundingan berkaitan pentadbiran tanah, ekonomi guna tanah, perancangan spatial dan *sustainable development* di peringkat universiti, kebangsaan dan antarabangsa.

Saudara Muhammad Uzair juga kini dalam rangka menghabiskan pengajian peringkat Doktor Falsafah (Ph.D) dalam bidang pentadbiran tanah dengan mengangkat tema sekuriti makanan sebagai isu latar. Pengalaman selama 10 tahun sejak dari mula mendaftar diri sebagai pelajar dan kemudian berkhidmat sebagai Penolong Penyelidik di Kumpulan Penyelidikan Pentadbiran dan Pembangunan Tanah (LANDS-Research Group) telah mencorak *worldview* beliau terhadap keterangkuman dan kepentingan ilmu pentadbiran tanah secara amnya, sekaligus membuka ruang dan peluang kepada beliau untuk terus melonjak ke hadapan. Beliau meletakkan prinsip '*Pioneering & Versatility*' dalam *mode* kepimpinan, kesarjanaan dan tanggungjawab sosial. Beliau berpandangan bahawa setiap perilaku perlu dilaksanakan pada satu piawaian yang tinggi nilainya, punya strategi berkesan dan beri manfaat secara total kepada kumpulan sasar.

ALMA MATER



SMK Sultan Badlishah



SK Tunku Abdul Malik

Sepanjang tempoh pengajian peringkat prasiswazah, beliau diberi mandat sebagai salah seorang Sekretariat Pencegahan Rasuah peringkat universiti, Presiden *Land Administration and Development Society* (LADS) dan seterusnya mendaki puncak kepimpinan pelajar sebagai anggota Majlis Perwakilan Mahasiswa (MPM) merangkap Exco Jabatan Pembangunan Akademik dan Kepimpinan selain aktif dalam sukan olahraga. Setelah bergelar graduan dan menyambung pengajian di peringkat pascasiswazah, beliau kemudiannya menganggotai beberapa persatuan akademik, profesional dan aktivisme. Antaranya; sebagai ahli seumur hidup Pertubuhan Profesional Tanah Malaysia (PERTAMA), ahli *International Society for Development and Sustainability* (ISDS), ahli *International Society of Paddy dan Water Environment Engineering* (PAWEES), ahli *Royal Institution of Chartered Surveyors* (RICS) dan memiliki keahlian khas *Malaysia Chapter of the World Muslim Consumers Association* sejak tahun 2009. Dalam fragmen lain hidup sosok ini, beliau juga turut dilantik sebagai Penasihat Kelab Eksplorasi Altitud (PPM-011-2-30122016) dalam usaha mempergiatkan dan memperkenalkan subjek *mountaineering* di kalangan belia Malaysia.

Meskipun kecenderungan beliau terhadap bidang pentadbiran tanah tidak boleh disangkal, namun ia sama sekali tidak dapat menutup ruang minat beliau terhadap bidang dan aktiviti lain yang melibatkan

PERSATUAN/ KELAB



pengurusan sumber manusia, sains politik, kesusasteraan, sejarah, teknologi maklumat dan seni grafik. Beliau pernah diberikan tugas merembentuk kulit *Property Market Report 2012* oleh firma hartanah berprestij, CH William Talhar & Wong. Semasa di UTM, beliau juga merupakan *co-founder* kepada beberapa siri wacana ilmiah; *LandsTalk*, *Land Rejuvenation Mini Workshop* dan program Klinik Tanah. Setakat 2017, beliau telah menulis hampir 20 manuskrip termasuk artikel akademik dalam pelbagai Jurnal. Ini termasuklah satu *poster article* yang telah diterbitkan oleh World Bank pada tahun 2017 dalam *Annual World Bank Conference on Land and Poverty* di Washington DC. Sebahagian penulisan beliau boleh diakses atas talian melalui Google Scholar. Antara ‘guru’ beliau adalah Prof. Dato’ Salleh Buang, Prof. Sr Megat Mohd Ghazali Megat Abd Rahman, Prof. Dr Ismail Omar, Prof. Madya Dr. Muhammad Tahir Sabit, Dr. Khadijah Hussin dan ramai lagi.

Setelah berkelana jauh ke tanah selatan dalam tempoh masa yang agak lama, beliau kemudian memulakan karier secara rasmi bersama Jabatan Ketua Pengarah Tanah dan Galian (Persekutuan), JKPTG sebagai Pegawai Tadbir Persekutuan (Lantikan Tetap) dengan menyandang jawatan Penolong Pengarah Bahagian Pembahagian Pusaka dan dihantar berkhidmat di negeri kelahiran beliau, Kedah Darul Aman. Beliau menjalankan sebahagian kerja Penolong Pentadbir Tanah dan

ANUGERAH/ PENGIKTIRAFAN

Anugerah Dekan Fakulti Geoinformasi dan Harta Tanah (FGHT) sempena Majlis Konvokesyen UTM kali ke-47, 2011

Best Postgraduate Student Awards 2013

Penerima Biasiswazah PhD UTM

Anugerah Pelajar Cemerlang, SPM 2005
SMK Sultan Badlishah

Anugerah Pelajar Cemerlang, PMR 2003
SMK Sultan Badlishah, daripada KDYMM Sultan Abdul Halim

PENGLIBATAN/ KEGIATAN LUAR



清华大学

Tsinghua University

Beijing Academic Visit 2011



Brunei Darussalam Academic & Promotional Visit 2014



Lawatan Kerja ke Badan Petanahan Nasional Republik Indonesia 2015

ditauliahkan sebagai *Second Class Magistrate* bagi membolehkan beliau mengendalikan perbicaraan kes pusaka di 8 daerah jagaan yang mencakupi zon Kedah Utara dan Kedah Tengah. Sejak dari zaman kampus, JKPTG tidak asing bagi beliau memandangkan jabatan ini merupakan salah satu agensi yang kerap dikunjungi untuk mendapatkan data kajian berkaitan pentadbiran tanah dan ada suatu ketika beliau pernah menganggotai ahli pasukan khas *Strata Scheme Redevelopment Mechanism* bersama Penyelidik lain.

Walau bagaimanapun, jodoh beliau bersama JKPTG tidak lama. Kemudiannya beliau 'dilamar' kerajaan negeri Kedah melalui Suruhanjaya Perkhidmatan Awam (SPA) Negeri Kedah Darul Aman sebagai Pegawai Tadbir Negeri (KCS); satu perkhidmatan primer peringkat negeri Kedah sejak tahun 1908. Hanya negeri Johor, Kedah, Kelantan dan Terengganu (dahulunya negeri-negeri ini dikenali Negeri-negeri Melayu Tidak Bersekutu) yang masih mengekalkan perkhidmatan tadbir negeri yang dinaungi KDYMM Tuanku Sultan negeri masing-masing. Bermula 2hb Mei 2018, maka bermula kembara mehnah dan tribulasi (baharu) Saudara Uzair dalam perkhidmatan awam peringkat negeri setelah meninggalkan pejawatan peringkat persekutuan pada 30hb April 2018.

MUHAMMAD UZAIR BIN AZIZAN

PERJALANAN KARIER



Kumpulan Penyelidikan Pentadbiran dan Pembangunan Tanah, UTM



Nota Sidang Editorial

Kesarjanaan beliau dalam bidang pentadbiran tanah dan bidang-bidang lain yang berkaitan sudah pasti boleh dimanfaatkan oleh kerajaan negeri di masa akan datang. Dalam beberapa siri pertemuan bersama beliau, acap kali diulang ilmu secara teoritikal dan praktikal itu adalah dua perkara yang sama nama tapi berbeda wajah. Didoakan beliau terus sukses dalam kerja dan besar harapan kami untuk melihat beliau kembali semula ke dunia akademik dalam mendidik anak bangsa menerobos tembok kejahilan dan mengangkat kembali Malaysia di mata dunia dalam bidang pentadbiran tanah. Baik, akademik atau industri; kedua-duanya saling bersandaran. Tiada siapa boleh mendabik dada bahawasanya orang itu tahu segala-galanya.

Syabas dan selamat maju jaya.